



# ՍՈՒՐԲ ԶԱԿՈՒԲ ԱՌԱՋՆՈՐԴԱՆԻՍ ՄԱՅՐ ԵՎՀԵՑԻ

Վերափոխության Սուրբ Աստվածածնի  
18 օգոստոս 2024

Կիրակնօրեայ Ընթերցումներ էջ 1  
Ծանուցումներ էջ 2

ԸնթերցուիՄ  
ԵՐԳ ԵՐԳՈՑ ԳԻՐՔԵՆ  
(4.9-15, 9.6)

**Փ** եսան.

Գրաւեցիր սիրտս, հոգեա՛կ իմ հարս,  
սիրտս գրաւեցիր մէ՛կ նայուածքով, վզիդ  
շնորհալի մէկ շարժումով:

Ի՞նչ զգլխիչ է սէրդ, հոգեա՛կ իմ հարս,  
որքա՞ն աւելի քաղցր է սէրդ՝ գինիէն, եւ  
զգեստներուդ անոյշ բուրմունքը՝ բոլոր  
խունկերէն:

Շրթներէդ մեղր կը կաթի, հոգեա՛կ իմ  
հարս, մեղր ու կաթ կը ծորի լեզուէդ. եւ  
զգեստներուդ անոյշ բուրմունքը նման է  
կնդրուկի բոյրին:

Փակուած պարտէզ  
է իմ հարս հոգեակս,  
փակուած պարտէզ,  
կնքուած աղբիւր:  
Նոնենիներու  
դրախտ մըն ես դուն  
ամենէն ընտիր եւ

բուրումնաւէտ տունկերով՝ հինայ ու նարդոս,  
նարդոս ու քրքում, խնկեղէդ ու կինամոն,  
եւ խնկաբեր բոլոր ծառերով՝ զըմուռս  
ու հալուէ, եւ ընտիր բոլոր խնկենիները:  
Բուրաստաններու աղբիւրն ես. կեանքի  
ջուրին ակը, որ Լիբանանէն կը բղիի:

Տէրը ստեղծեց եւ հաս-  
տատեց քեզ, մօրդ արգանդէն  
քեզ պատրաստեց, ո՞վ  
կիներու գեղեցկագոյնը.  
մայրդ անթերի ծնաւ քեզ:

Տէրը  
ստեղծեց  
եւ հաստա-  
տեց քեզ ...

ԸնթերցուիՄ  
ԵՍԱՅԻ ՄԱՐԳԱՐԵՒ ԳԻՐՔԵՆ  
(7.10-16)

Դարձեալ, Տէրը այս պատգամը զրկեց  
Աքազի, ըսելով. «Տէր Աստուծմէդ քեզի  
համար նշան մը խնդրէ, երկրի խորերէն կամ  
երկինքի բարձունքէն»: Աքազ պատասխանեց.  
«Ոչ, զԱստուած չեմ փորձեր»:

Այն ատեն եսայի ըսաւ.

«Լսեցէք ուրեմն, ո՞վ Դաւիթի տուն. չի՞ բաւեր  
որքան մարդոց համբերութիւնը հատցուցիք,

որ կը փորձէք Աստուծոյ համբերութիւնը

եւս հատցնել: Ճիշդ այդ

պատճառով Տէրը ի՞նք  
հետեւեալ նշանը պիտի  
տայ ձեզի.- Կոյսը պիտի

յղանայ եւ զաւակ մը ծնի,

որ «Էմմանուէլ» պիտի

կոչէ: Անիկա կարագով

ու մեղրով պիտի սնանի, եւ նախքան չարը

ճանչնալը եւ կամենալը՝ բարին պիտի ընտրէ.

եւ տակաւին անիկա բարին ընտրել ու չարը

մերժել չսորված՝ երկու երկիրներն ալ, որոնցմէ

դուն կը վախնաս, իրենց թագաւորները պիտի

կորսնցնեն եւ քու երկիրդ պիտի փրկուի»:

Կոյսը պիտի  
յղանայ  
եւ զաւակ  
մը ծնի, որ  
«Էմմանուէլ»  
պիտի կոչէ:

ՊՈՂՈՍ ԱՌԱՔԵԱԼԻ  
ԳԱՂԱՏԱՑԻՆԵՐՈՒԵ ԳՐԱԾ ՆԱՄԱԿԻՆ  
(3.29-4.7)

Ա պա, ուրեմն, եթէ Քրիստոսի կը  
պատկանիք՝ կը նշանակէ թէ  
Աքրահամի զաւակներ էք եւ պիտի ժառանգէք  
ինչ որ Աստուած անոր խոստացաւ:

Բայց գիտցէք նաեւ, թէ ժառանգորդ մը  
թէպէտամբողջ ժառանգութեան իսկական տէրն  
է, բայց որքան ատեն որ անիկա անչափահաս  
է՝ տարբերութիւն չունի ծառայէ մը, քանի

Որքան ատեն որ  
հոգեւորապէս  
անչափահաս  
էինք՝ բնութեան  
ոյժերուն։  
կ ենքարկուէինք  
ու կը  
ծառայէինք։

... Աստուած  
մեր  
սիրտերուն  
մէջ դրկեց  
իր Որդիին  
Հոգին, որով  
զԱստուած  
«Հայր» կը  
կոչենք։

իր որդիներն ենք՝ Աստուած մեր սիրտերուն  
մէջ դրկեց իր Որդիին Հոգին, որով զԱստուած  
«Հայր» կը կոչենք։ Ուստի, այլեւս ծառայ  
չէք, այլ որդի։ Եւ քանի որդի էք՝ Աստուածոյ  
խոստումը պիտի ժառանգէք։

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԻՆ  
ԸՍ ՂՈՒԿԱՍԻ  
(2.1-7)

**Ա**յդ օրերուն Օգոստոս կայսր հրա-  
մանագիր հանեց՝ իր կայսրութեան  
սահմաններուն մէջ գտնուող բոլոր  
բնակիչներուն մարդահամարը կատարելու։  
Այս առաջին մարդահամարը տեղի ունեցաւ  
Սուրբոյ կառավարիչ Կիւրենիոսի օրերուն։  
Ամէն մարդ իր ծննդավայրը կ'երթար  
իր անունը արձանագրել տալու համար։  
Յովսէփ Դաւիթի սերունդէն ըլլալուն համար,  
Գալիլիայի նազարէթ քաղաքէն ելաւ եւ իր  
անունը արձանագրել տալու համար գնաց  
Հրէաստանի Բեթլեհէմ քաղաքը՝ Դաւիթ  
թագաւորի ծննդավայրը։ Իրեն կ'ընկերանար  
իր նշանածը՝ Մարիամ, որ յղի էր։

Բեթլեհէմի մէջ, Մարիամի ծննդա-  
բերութեան ժամանակը հասաւ եւ ծնաւ իր

անդրանիկ զաւակը, որ փաթթեց խանձարուրի  
մէջ եւ դրաւ մսուրի մը մէջ, որովհետեւ  
պանդոկին մէջ իրենց համար տեղ չկար։

**Այժելեթէ՛ք**  
**ԵԿԵՂԵԹԻՈՅ**  
**ԴԻԱՎՈՏԵՏՈՒ ԷԶՐ**  
**ԵՒ**  
**ԶԵՐ ՀԱՒԱՌԻԹԻՒ**  
**յԱՅՏԱԵԹԷՔ (like).**

[www.facebook.com/  
SourphagopChurch-  
Montreal](http://www.facebook.com/SourphagopChurch-Montreal)

**Այժելեթէ՛ք ԱԱԵՒ**  
**Ս. ՅԱԿՈԲ**  
**Առաջարկահաս**  
**ՄԱՅՐ ԵԿԵՂԵԹԻՈՅ**  
**ԿԱՅՔԷԶՐ**  
[www.sourphagop.net](http://www.sourphagop.net)

Հոգևանագաւառ  
ԶԵՐ ԱՐՁԱՎԳՐՈՒԹԻՒՆՆԵՐԸ  
ԱԿԽՈՐԾ ԿԱՏԱՐԵՑԷՔ ԿԱՊՈՒԵԼՈՎ  
ԵԿԵՂԵԹԻՈՅ ԳՐԱՍԱՆԱՎԿ: